



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

In festo SS. Innocentium: De SS. Innocentibus martyrij gloria coronatis.

[urn:nbn:de:hbz:466:1-60091](#)

brerur inter principes Apostolorum,
Aquila Euangelistarum, vertex Theo-
logorum, primicerius Virginum, dile-
ctissimus Christi discipulorū : In altero
excellenti sublimatus gloria, & triplici,
Virginum, Martyrum, Doctorum au-
reolā. Congratulatio, gratiarum actio,
amor, spes similis gloriæ.

In festo Sanctorum Innocen- IV.
tum.

I. INFantes quos filius Dei ab æterno
in Martyrum primitias, Virginum-
que primæuos flores ex gratuito infini-
tæ dilectionis affectu elegerat, nunc
factus infans, & in cunis vagiens, è cunis
innocentes miro quidem & occulto,
sed pio & misericordi consilio ad se tra-
xit, permittendo eos sævitia Herodis
in odium sui, vita in vitæ primordio
priuari, ut sic moriendo ipsum confiten-
tes, martyrij aureolā mererentur coro-
nari, qui si diutius vixissent, fortasse
linguis suis cum reliquis Iudeis eūdem
crucifixissent. QUAM mirabilis Deus in
omnibus operibus suis, maximè in ope-
ribus tantæ miserationis, tam gratuitæ
& gratiæ electionis ! QUAM reue-
renter suspicienda, quam gratanter

cccc-

acceptanda, quām ardenter redamanda tam incomprehensa sapientia, misericordia, bonitas? Congratulatio, gratiarum actio, amor.

I I. Ex tam immani ambitiosi Herodis à dœmonibus instigati mota contra Christum persecutione, & crudelis infantium trucidatione, quot & quanta Diuina bonitas elicuit bona? Videlicet sanctificationem & glorificationem tot innocentum Martyrum, quorum salus alias periclitatura fuisset; diuulgationem famæ de gloriosa Christi veri Messiae & regis Iudeorum tot oraculis promissi nativitate, quæ ex tam inaudito & tyrannico Herodis facinore, per totum Romanum imperium, orbemque uniuersum clarius innotuit: & tam largam benedictionem à Christo impetratam Ægypto, ut quæ omnium superstitionum fuerat receptaculum, fieret postmodum veræ religionis & pietatis seminarium, ex qua tanta prodiret multitudine religiosorum, tantus numerus sanctorum martyrum & confessorum. O quām verè diligentibus Deum omnia cooperantur in bonum, ijs, qui secundum propositum vocati sunt Sancti! Quām pio ergo, grato, promptoque animo omnes persecutiones, calumniæ, iniurias à quo-

Rom. 8.

cunque illatæ de manu Dei electis omnia mala in bonum conuertentis sunt acceptandæ? Admiratio, resignatio.

III. Quantus fuerit dolor, clamor, eiulatus, quām irremediabiles lacrymæ matrum, quarum corda eodem quo filiorum corpuscula, crudeli ferro transfigebantur? quantò sanctiores B. Virg. compassionis lacrymæ, ex auditotam lamentabili spectaculo obortæ? quantò demum diuiniores lacrymulæ Christi infantis, horum omnium lacrymulas internosque dolores, omnes singulorum istorum infastum, imò omnium futurorum Martyrum persecutio-nes, cruciatus, mortes clare intentis, ex intimo compassionis affectu profusæ? Quām heroica simul resignatio in sanctissimum beneplacitum æterni Patris hæc omnia ad maiorem suam Electorumque gloriam, ex inscrutabili diuinæ sapientiæ suæ abyssō permittentis? Compassio, admiratio diuinorum iudiciorum, resignatio.

De exaltatione Angelorum in Natiuitate Domini, eiusdemque adoratione.

I. Expende, quanta exultatione &
E ad-